

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

7 դեկտեմբերի 2006 թվականի N 1935-Ն

ՀԱՐԳԱԴՐՈՇՄԵՐԻ, ՏԱՐԲԵՐԱՆԻՇԵՐԻ ԵՎ ԱՆՎԱՆԱՆԻՇԵՐԻ ՁԵՎԵՐԸ, ՉԱՓԵՐԸ, ՆԿԱՐԱԳՐՈՒԹՅՈՒՆԸ ԵՎ ԴՐԱՆՑ ՊԱՏՐԱՍՏՄԱՆ, ՀԱՇՎԱՌՄԱՆ ՈՒ ՏՆՕՐԻՆՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Թանկարժեք մետաղների մասին» Հայաստանի Հանրապետության օրենքի 6-րդ հոդվածի 8-րդ մասը՝ Հայաստանի Հանրապետության կառավարությունը որոշում է:

1. Հաստատել հարգադրոշմների, տարբերանիշերի և անվանանիշերի ձևերը, չափերը, նկարագրությունը և դրանց պատրաստման, հաշվառման ու տնօրինման կարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Հայաստանի Հանրապետության վարչապետ

Ա. Մարգարյան

2007 թ. փետրվարի 16  
Երևան

Հավելված  
ՀՀ կառավարության 2006 թվականի  
դեկտեմբերի 7-ի N 1935-Ն որոշման

ՀԱՐԳԱԴՐՈՇՄԵՐԻ, ՏԱՐԲԵՐԱՆԻՇԵՐԻ ԵՎ ԱՆՎԱՆԱՆԻՇԵՐԻ ՁԵՎԵՐԸ, ՉԱՓԵՐԸ, ՆԿԱՐԱԳՐՈՒԹՅՈՒՆԸ ԵՎ ԴՐԱՆՑ ՊԱՏՐԱՍՏՄԱՆ, ՀԱՇՎԱՌՄԱՆ ՈՒ ՏՆՕՐԻՆՄԱՆ ԿԱՐԳԸ

1. Սույն կարգով կարգավորվում են հարգադրոշմների, տարբերանիշերի և անվանանիշերի ձևերը, չափերը, նկարագրությունը և դրանց պատրաստման, հաշվառման ու տնօրինման հետ կապված հարցերը:

2. Հարգադրոշմը պատվիրում և (կամ) պատրաստում են թանկարժեք մետաղներից պատրաստված իրերի հարգորոշման և հարգադրոշմման ծանուցման ենթակա գործունեություն իրականացնող հաշվառված անձինք (այսուհետ՝ հաշվառված անձ): Տարբերանիշի և անվանանիշի գրանցման, հաշվառման ու փորձաքննության, ինչպես նաև պետական պահուստների ուսումնասիրության գործառնություններն իրականացնող լիազոր մարմինը Հայաստանի Հանրապետության ֆինանսների նախարարությունն է (այսուհետ՝ լիազոր մարմին): Հարգադրոշմը թույլատրվում է պատվիրել և (կամ) պատրաստել միայն համաձայն սույն կարգի N 1 ձևով սահմանված հարգադրոշմների ձևերի, չափերի և ուրվագծի:

(2-րդ կետը խմբ. 26.05.16 N 536-Ն)

3. Անվանանիշը պատվիրում և (կամ) պատրաստում է թանկարժեք մետաղներից պատրաստված իրեր արտադրողը՝ սույն կարգով սահմանված թույլտվությունն ստանալուց հետո՝ պահպանելով սույն կարգի N 2 ձևով սահմանված սահմանային չափերը:

Անվանանիշի վրա նշվում է թույլտվության հերթական համարը:

4. Տարբերանիշը պատվիրում և (կամ) պատրաստում է լիազոր մարմինը՝ սույն կարգով սահմանված կարգով՝ պահպանելով սույն կարգի N 3 ձևով սահմանված տարբերանիշի ձևի, չափի և ուրվագծի սահմանային չափերը:

Տարբերանիշը ենթակա է պարտադիր գրանցման՝ լիազորված մարմնում:

Տարբերանիշի վրա նշվում է հաշվառված անձի համարը:

(4-րդ կետը փոփ. 26.05.16 N 536-Ն)

5. Տարբերանիշը կարող է ունենալ գաղտնագիր:

6. Հարգադրոշմները, անվանանիշերը և տարբերանիշերը կարող են լինել մեխանիկական, էլեկտրակայծային և այլն:

Տարբերանիշերի, անվանանիշերի և հարգադրոշմների գծային չափերի թույլատրելի շեղումն է ± 0.15 մմ:

(6-րդ կետը լրաց. 27.12.07 N 1546-Ն)

7. Անվանանիշ պատվիրելու և (կամ) պատրաստելու թույլտվություն ստանալու համար (ձև N 4) իրավաբանական անձը կամ անհատ ձեռնարկատերը լիազորված մարմին է ներկայացնում հայտ՝ համաձայն N 5 ձևի:

Հայտում նշվում են՝

ա) իրավաբանական անձի համար՝ իրավաբանական անձի անվանումը և կազմակերպական-իրավական ձևը, իսկ անհատ ձեռնարկատիրոջ համար՝ անունը, ազգանունը.

բ) իրավաբանական անձի համար՝ իրավաբանական անձի գտնվելու վայրը, իսկ անհատ ձեռնարկատիրոջ համար՝ բնակության վայրը.

գ) թանկարժեք մետաղներից պատրաստված իրերի արտադրական գործունեության իրականացման վայրը.

դ) հայտատուի ներկայացուցչի տվյալները (անունը, ազգանունը, անձնագրի համարը, բնակության վայրը, հեռախոսահամարը).

ե) հայտին կից ներկայացվող փաստաթղթերի ցանկը:

**(8-րդ կետը փոփ. 27.12.07 N 1546-Ն)**

8. Հայտին կից ներկայացվում են հետևյալ փաստաթղթերը՝

ա) իրավաբանական անձի համար՝ կանոնադրության, պետական գրանցման վկայականի և ՀՎՀՀ-ի պատճենները, իսկ անհատ ձեռնարկատիրոջ համար՝ պետական գրանցման վկայականի և ՀՎՀՀ-ի կամ սոցիալական քարտի պատճենը, կամ սոցիալական ապահովության քարտ չունենալու մասին տեղեկանք.

բ) թանկարժեք մետաղներից պատրաստված իրերի արտադրական գործունեության իրականացման տարածքի սեփականության, վարձակալության կամ օգտագործման իրավունքի վկայականի պատճենը.

գ) ապրանքային (սպասարկման) նշանի գրանցման վկայականի պատճենը և անվանանիշի ուրվագիծը՝ մեկ օրինակից:

9. Անվանանիշը պատվիրող անձը պատվերի թույլտվություն ստանալու համար լիազորված մարմին է ներկայանում անձնագրով:

10. Անվանանիշեր պատրաստելու պատվերի թույլտվությունը տրվում է անհրաժեշտ փաստաթղթերը ներկայացնելուց հետո 7 աշխատանքային օրվա ընթացքում՝ 3 ամիս ժամկետով: Նշված ժամկետում պատրաստված անվանանիշը լիազորված մարմնում չգրանցվելու դեպքում անվանանիշ պատվիրելու թույլտվությունը համարվում է անվավեր, իսկ նորը տրվում է ընդհանուր հիմունքներով:

Լիազորված մարմնի կողմից 7 աշխատանքային օրվա ընթացքում հայտատուին չպատասխանելու դեպքում հայտը համարվում է բավարարված:

11. Անվանանիշ պատվիրելու թույլտվությունը տրվում կամ մերժվում է լիազորված մարմնի ղեկավարի կողմից:

12. Թույլտվություն տալը գրավոր մերժվում է, եթե՝

ա) դիմողի ներկայացրած փաստաթղթերը թերի են, ակնհայտ կեղծ կամ խեղաթյուրված.

բ) ներկայացված փաստաթղթերը չեն համապատասխանում սույն կարգի և Հայաստանի Հանրապետության օրենսդրության պահանջներին:

13. Տարբերանիշի պատվիրելու և (կամ) պատրաստելու ծախսերն իրականացնում է հաշվառված անձը:

**(13-րդ կետը փոփ. 26.05.16 N 536-Ն)**

14. Անվանանիշերի և տարբերանիշերի հաշվառումն իրականացնում է Հայաստանի Հանրապետության ֆինանսների նախարարության աշխատակազմի «թանկարժեք մետաղների և թանկարժեք քարերի պետական գանձարան» գործակալությունը՝ վարելով սույն կարգի N 6 ձևով սահմանված տարբերանիշերի հաշվառման գրանցամատյան և N 7 ձևով սահմանված անվանանիշերի հաշվառման գրանցամատյան:

**(14-րդ կետը փոփ. 05.04.12 N 451-Ն)**

15. Հայաստանի Հանրապետությունում թանկարժեք մետաղներ գտարկելու, բանկային ոսկի և ստանդարտացված ձուլակտորների արտադրության գործունեություն իրականացնող գտարկող կազմակերպությունների կողմից արտադրված թանկարժեք մետաղների ստանդարտացված ձուլակտորների մակերեսին պետք է դրոշմված լինի արտադրող կազմակերպության անվանումը (անվանանիշը), ձուլակտորների քաշը՝ արտահայտված գրամներով, կիլոգրամներով կամ տրոյական ունցիաներով, մետաղի լատինատառ խորհրդանշանը և հարգը (ձև N 8):

Մեկ կիլոգրամ և ավելի քաշ ունեցող ձուլակտորների մակերեսի վրա պետք է դրոշմված լինի նրա սերիական համարը:

**(15-րդ կետը փոփ. 05.04.12 N 451-Ն)**

16. Հին տարբերանիշի կամ անվանանիշի մաշվածության կամ որևէ պատճառով դրանց փոխարինման դեպքերում նոր տարբերանիշը կամ նոր անվանանիշ պատվիրելու թույլտվությունը տրվում է հին տարբերանիշը կամ անվանանիշը լիազորված մարմին հանձնելուց հետո:

17. Տարբերանիշը կամ անվանանիշը կորցնելու դեպքում նոր տարբերանիշ կամ նոր անվանանիշ պատվիրելու թույլտվություն ստանալու համար լիազորված մարմին են ներկայացվում սույն կարգով սահմանված փաստաթղթերը և տարբերանիշի կամ անվանանիշի կորստյան մասին առնվազն 3000 տպաքանակ ունեցող որևէ մամուլում տպագրված հայտարարության մեկ օրինակը:

Նոր տարբերանիշ կամ նոր անվանանիշ պատվիրելու թույլտվությունը տրամադրվում է համապատասխան հայտարարությունը հրապարակվելուց 15 օր հետո՝ սույն կարգով սահմանված ժամկետներում:

Կորած տարբերանիշի և անվանանիշի փոխարեն նոր տարբերանիշը և նոր անվանանիշ պատրաստելու պատվերի թույլտվությունը տրվում է ընդհանուր հիմունքներով:

18. Լիազորված մարմինը հարգորոշման և հարգադրոշման հաշվառված անձանց տարբերանիշերը հաշվառելուց հետո 15-օրյա ժամկետում վերադաս մաքսային մարմնին է տրամադրում դրանց արտատիպերը:

(18-րդ կետը լրաց 05.04.12 N 451-Ն, փոփ 26.05.16 N 536-Ն)

Հայաստանի Հանրապետության  
կառավարության աշխատակազմի  
ղեկավար-նախարար


Մ. Թովուզյան

Ձև N 1

**ՀԱՐԳԱԴՐՈՇՄՆԵՐԻ ՁԵՎԵՐԸ, ԶԱՓԵՐԸ ԵՎ ՈՒՐՎԱԳԻԾԸ**


Ոսկի 375, 416, 500, 583, 585, 750, 916, 958, 999 հարգերի

Թվերի հաստությունը՝ 0.08-0.1 մմ




Արծաթ 800, 830, 875, 925, 960, 999 հարգերի


Թվերի հաստությունը՝ 0.08-0.1 մմ



Պլատին 900 և 950 հարգերի  
Թվերի հաստությունը՝ 0.08-0.1 մմ




Պալատիկում 500 և 850 հարգերի  
Թվերի հաստությունը՝ 0.08-0.1 մմ



Ձև N 2

ԱՆՎԱՆԱՆԻՇԻ ՄԱՀՄԱՆԱՅԻՆ ՉԱՓԵՐՆ




Բ - անվանանիշերի հերթական համարը, որը թանկարժեք մետաղներից պատրաստված իրեր արտադրողի անվանանիշ պատվիրելու և (կամ) պատրաստելու թույլտվության համարն է:

(ձևը փոփ. 27.12.07 N 1546-Ն)

Ձև N 3

**ՏԱՐԲԵՐԱՆԻՉԻ ՁԵՎԻ, ՉԱՓԻ ԵՎ ՈՒՐԿԱԳԾԻ ՍԱՀՄԱՆԱՅԻՆ ՉԱՓԵՐԸ**



Ա - տարբերանիշի հերթական համարը, որը թանկարժեք մետաղների և դրանցից պատրաստված իրերի հարգորոշման ու հարգադրոշման հաշվառված անձի համարն է:

(ձևը խմբ. 27.12.07 N 1546-Ն, փոփ. 26.05.16 N 536-Ն)

Ձև N 4

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ  
ՆԱԽԱՐԱՐՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՖԻՆԱՆՍՆԵՐԻ ՆԱԽԱՐԱՐՈՒԹՅՈՒՆ

200 թ.

200 թ.

ՆԱԽԱՐԱՐԻ ՀՐԱՄԱՆ N \_\_\_\_\_  
ԱՆՎԱՆԱՆԻՇ ՊԱՏՐԱՍՏԵԼՈՒ (ՊԱՏՎԻՐԵԼՈՒ)  
ԹՈՒՅԼՏՎՈՒԹՅՈՒՆ ՀԻՄՔ N \_\_\_\_\_

ՆԱԽԱՐԱՐԻ ՀՐԱՄԱՆ N \_\_\_\_\_  
ԱՆՎԱՆԱՆԻՇ ՊԱՏՐԱՍՏԵԼՈՒ (ՊԱՏՎԻՐԵԼՈՒ)  
ԹՈՒՅԼՏՎՈՒԹՅՈՒՆ N \_\_\_\_\_

Տրված է

Տրված է

(կազմակերպության անվանումը կամ անհատ ձեռնարկատիրոջ,

(կազմակերպության անվանումը կամ անհատ ձեռնարկատիրոջ,

ֆիզիկական անձի անունը, ազգանունը, անձնագրի տվյալները)

ֆիզիկական անձի անունը, ազգանունը, անձնագրի տվյալները)

(գործունեության վայրը)

(գործունեության վայրը)

Պատվիրելու

Պատվիրելու

(ըստ ներկայացվող ուրվագծի և քանակի)

(ըստ ներկայացվող ուրվագծի և քանակի)

Պատվիրող

Պատվիրող

անձի \_\_\_\_\_

անձի \_\_\_\_\_

(անունը, հայրանունը, ազգանունը)

(անունը, հայրանունը, ազգանունը)

Ուժի մեջ է \_\_\_\_\_ 200 թ.

Ուժի մեջ է \_\_\_\_\_ 200 թ.

Ստացա \_\_\_\_\_

Նախարարի տեղակալ

(պատվիրողի ստորագրությունը, անունը, հայրանունը, ազգանունը)

(ստորագրությունը, անունը, հայրանունը, ազգանունը)

(ձևը փոփ. 05.04.12 N 451-Ն)

Ձև N 5

Հ Ա Յ Ա Ս Տ Ա Ն Ի Հ Ա Ն Ր Ա Պ Ե Տ ՈՒ Թ Յ Ա Ն  
Ֆ Ի Ն Ա Ն Ս Ն Ե Ր Ի Ն Ա Մ Ա Ր Ա Ր ՈՒ Թ Յ ՈՒ Ն

Հ Ա Յ Տ

ԱՆՎԱՆԱՆԻՇ ՊԱՏՎԻՐԵԼՈՒ (ՊԱՏՐԱՍՏԵԼՈՒ) ԹՈՒՅԼՏՎՈՒԹՅՈՒՆ ՍՏԱՆԱԼՈՒ

1. \_\_\_\_\_

(դիմող կազմակերպության (այսուհետ նաև՝ դիմող) անվանումը և կազմակերպական-իրավական ձևը)

2. Հայտատուի  
գտնվելու վայրը

3. Հեռախոսահամարը

4. Հայտատուի նախատեսվող գործունեության իրականացման վայրը

5. Նախատեսվող տարածքում առկա հեռախոսահամարը

6. Հայտատուի ներկայացուցչի անունը, ազգանունը

7. Անձնագրի համարը

8. Բնակության վայրը

9. Հեռախոսահամարը

10. Հայտին կցվում են նշված փաստաթղթերը՝

(Քաղաքը, փողոցը, շենքը, բնակարանը)

NN ը/կ	Փաստաթղթի անվանումը	Առկայության դեպքում կատարել նշագրում	Նշել թերթերի քանակը
1.	Հայտատուի կանոնադրության և պետական գրանցման վկայականի պատճենները		
2.	Գործունեության իրականացման տարածքի սեփականության, վարձակալության կամ օգտագործման իրավունքի վկայականի պատճենը		
3.	Ապրանքային (սպասարկման) նշանի գրանցման վկայականի պատճենը և անվանանիշի ուրվագիծը		
	Հայտին կցված փաստաթղթերի թերթերի ընդհանուր քանակը		

Մեփական ձեռքով սույն դիմումում կատարված գրառումների և նշագրումների իսկությունը հավաստում եմ

դիմողի ներկայացուցիչ \_\_\_\_\_

(ստորագրությունը)

Կ.Տ.

\_\_\_\_\_ 200 թ.

(ձևը փոփ. 27.12.07 N 1546-Ն, 05.04.12 N 451-Ն)

**ՏԱՐԲԵՐԱՆԻՇԵՐԻ ՀԱՇՎԱՌՄԱՆ ԳՐԱՆՑԱՄԱՏՅԱՆ**

N N Ը/ Կ	Հաշվառված անձի անվանումը, կազմակերպության անունը	Հաշվառված անձի գտնվելու վայրը	Հաշվառված անձի գործունեության բնույթը	Հաշվառված անձի համարը	Հաշվառման օրը, ամիսը, տարեթիվը	Իրավաբանական անձի համար՝ ՀՎՀՀ-ն, իսկ անհատ ձեռնարկատիրոջ համար՝ ՀՎՀՀ-ն կամ սոցիալական քարտի համարը	Անհատ ձեռնարկատիրոջ կամ լիազորված անձի անունը, հայրանունը, ազգանունը և անձնագրի համարը	Անհատ ձեռնարկատիրոջ կամ լիազորված անձի բնակության վայրը	Տարբերանիշի ստացման օրը, ամիսը, տարեթիվը	Այլ տեղեկություններ
1	2	3	4	5	6	7	8	9	10	11

(ձևը փոփ. 26.05.16 N 536-Ն)

Ձև N 7

**ԱՆՎԱՆԱՆԻՇԵՐԻ ՀԱՇՎԱՌՄԱՆ ԳՐԱՆՑԱՄԱՏՅԱՆ**

N N Ը/ Կ	Թանկարժեք մետաղներ ից պատրաստված իրեր արտադրող իրավաբանական կամ ֆիզիկական անձի անվանումը, կազմակերպության անունը, կազմակերպության անունը	Թանկարժեք մետաղներից պատրաստված իրեր արտադրող իրավաբանական կամ ֆիզիկական անձի գտնվելու վայրը	Իրավաբանական անձի համարը	Թույլտվության համարը	Թույլտվության օրը, ամիսը, տարեթիվը	Իրավաբանական անձի համար՝ ՀՎՀՀ-ն, իսկ անհատ ձեռնարկատիրոջ համար՝ ՀՎՀՀ-ն կամ սոցիալական քարտի համարը	Անհատ ձեռնարկատիրոջ կամ լիազորված անձի անունը, հայրանունը, ազգանունը և անձնագրի համարը	Անհատ ձեռնարկատիրոջ կամ լիազորված անձի բնակության վայրը	Անվանիշի ստացման օրը, ամիսը, տարեթիվը	Այլ տեղեկություններ
1	2	3	4	5	6	7	8	9	10	11

Ձև N 8



ԹԱՆԿԱՐԺԷՔ ՄԵՏԱՂՆԵՐԻՑ ՊԱՏՐԱՍՏՎԱԾ ՍՏԱՆԴԱՐՏԱՑՎԱԾ ՁՈՒԼԱԿՏՈՐԻ ՄԱԿԵՐԵՄԻՆ ԴՐՈՇՄՎՈՂ  
ԼԱՏԻՆԱՏԱՌ ԽՈՐՀՐԴԱՆԻՇԵՐԻ, ՀԱՐԳԻ, ՔԱՇԻ ՈՒ ՄԵԿ ԿԻՆՈԳՐԱՄ ԵՎ ԱՎԵԼԻ ՔԱՇ ՈՒՆԵՑՈՂ  
ՍՏԱՆԴԱՐՏԱՑՎԱԾ ՁՈՒԼԱԿՏՈՐՆԵՐԻ  
ՄԱԿԵՐԵՄԻՆ ԴՐՈՇՄՎՈՂ ՍԵՐԻԱԿԱՆ ՀԱՄԱՐԻ ԹՎԵՐԻ ԵՎ ՏԱՌԵՐԻ ՆԿԱՐԱԳԻՐԸ

Թվերի շրիֆտը N 2.5, ըստ ԳՕՍՍ - 2.304-81

**1 2 3 4 5 6 7 8 9 0,**

Տառերի շրիֆտը N 2.5, ըստ ԳՕՍՍ - 2.304-81

g- գրամ

Kg- կիլոգրամ

Oz-տրոյական ունցիա

Խորհրդանիշների շրիֆտը N 3.5, ըստ ԳՕՍՍ - 2.304-81

Ոսկի - Au

Արծաթ - Ag

Պլատին - Pt

Պալադիում - Pd

Մեկ կիլոգրամ և ավելի քաշ ունեցող ստանդարտացված ձուլակտորների մակերեսին դրոշմվող սերիական համարի թվերի շրիֆտը N 3.5, ըստ ԳՕՍՍ-2.304-81

**1 2 3 4 5 6 7 8 9 0**

(*հավելվածը լրաց, փոփ, խմբ 27.12.07 N 1546-Ն, փոփ, լրաց 05.04.12 N 451-Ն, խմբ, փոփ 26.05.16 N 536-Ն*)